

本草集要

本草集要中部卷之三

草部下

獨活

君一名
羌活

味苦甘辛氣平微溫氣味俱輕陽

也升也

後月分用紫色而節密者為羌活黃
色而作塊者名獨活羌活氣雄獨活

氣
細

主風寒所擊金瘡止痛賁豚癰瘰女子疝瘕

療諸賊風百節痛風無久新者久服輕身耐

老

本經
不分

羌活手足太陽經風藥又足厥陰少

陰經藥主賊風失音不語多痒血癩手足不

遂口面喎斜治肢節疼痛一身盡痛非此不

除又去溫濕風加川芎治足太陽少陰頭痛
○獨活足少陰行經之藥治痛風足少陰伏
風而不治太陽故兩足寒濕痺不能動止非
此不除又主風毒齒痛加細辛治少陰經頭
痛

升麻 味甘苦氣平微寒味薄氣厚陽中之陰

也無毒陽明經本經藥亦走手陽明經太陰

經

形輕而黑堅實者第一細削皮青綠色者亦佳謂之雞骨升麻去黑皮并腐爛用

主解百毒殺百精殃鬼辟瘟疫瘴氣邪氣蠱
毒煎濃汁服之入口皆吐出治中惡腹痛時

氣毒癰頭痛寒熱小兒風癰時氣熱風腫癰
喉痛口瘡肺痿肺癰欬唾膿血瘡家之聖藥
主脾胃解肌肉間熱手足陽明經治風之的
藥及發散本經風邪若元氣不足陽氣陷下
者用此升提陽氣上行又脾痺非梢子不除

天行時病發斑瘡頭面及身須臾周匝如

火燒不治數日死

用五兩水煮綿沾汁洗之

小兒斑瘡

及豌豆瘡心燥不安

治方同上

細辛

臣

味大辛氣溫氣厚於味陽也無毒少陰

經藥手少陰經引經之藥

惡狼毒山茱萸黃耆畏消石滑石反

藜蘆出華陰者良陰乾忌生萊單
用末不可過半錢七氣塞不通死

主欬逆頭痛腦痛百節拘攣風濕痺痛消死
肌溫中下氣破痰開胃中滯除齒痛口臭喉
痺齕鼻眼風淚下風癰顛疾下乳結汗不出
血閉不行安五臟益肝膽通精氣久服明目
利九竅輕身長年治少陰頭痛如神當少用
之獨活為使諸風通用之藥溫陰經去內寒
治邪在裏之表頭面風痛不可缺

得當歸芍藥白芷芫薺牡丹藁本甘草共
療婦人得決明鯉魚膽青羊肝共療目痛

口臭及蠱齒腫痛

煮取濃汁熱含冷吐差

防風

臣

味辛辛氣溫純陽無毒三月二經行經

藥太陽經本經藥乃卒伍卑賤之職隨所引

而至者也

惡乾薑藜蘆白欬荒花殺附子毒實而脂潤頭節堅者良去蘆并義

頭義尾者不用

主大風頭眩痛惡風風邪目盲無所見風行

周身骨節疼痺煩滿頭面去來四肢攣急字

乳金瘡內瘻治風通用瀉肺實散頭目中滯

氣除上焦風邪之仙藥誤服瀉人上焦元氣

又能去濕諸風藥皆然風能勝濕故也又藥

中潤劑也

身去身半已上風稍去身半已下風得澤
瀉橐本療風得當歸芍藥陽起石禹餘糧
療婦人子藏風

乾薑

臣

味辛氣溫大熱味薄氣厚陽中之陽無

毒

秦椒為之使
惡黃芩黃連

主胷滿欬逆上氣溫中止血出汗逐風濕痺
腸澼下痢生用辛能發散寒邪去風寒濕痺
入肺利肺氣肺寒咳嗽與五味子同用以勝
寒炮之則微苦故止而不移能溫脾理中治

裏寒泄痢霍亂脹滿腹中冷痛中下焦寒濕
又沉寒痼冷腎中無陽脉氣欲絕黑附子為
引用又炮之與補陰藥同用能引血藥入氣
分生血治血虛發熱故產後大熱必用之炒
黑能止唾血痢血

水瀉無度

多為未漸飲
調一錢立效

血痢

燒黑不令成
灰為末每服

錢米
飲調下

傷寒後陰陽易病

取四兩為末湯
調頻服覆衣被

出汗
愈

生薑

使

味辛甘氣微溫氣味俱輕陽也無毒

去皮

即熱留皮則
冷殺半夏毒

生者尤良主傷寒頭痛鼻塞欬上氣入肺開
胃口益脾胃散風寒治痰嗽止嘔吐為嘔家
之聖藥久服去臭氣通神明

無病人夜不宜食之夜氣宜靜薑動氣故
也佐大棗能厚腸生和半夏主心下急痛
搗汁和蜜服主中熱不能食又汁和杏仁
泥煎成膏水調服下一切結氣實心胃擁

隔冷熱氣神效○治痢切如麻粒大和好茶煎一兩碗任意

呷之大妙霍亂注痢轉筋欲死取三兩搗破以酒一升煮三四

服涕頻狐臭用汁塗腋暴赤眼無瘡者以古銅錢

刮淨薑上取汁於錢唇點目熱淚出今日點來日愈

麻黃

言

味苦甘氣溫氣味俱薄陽也升也無毒

手太陰之藥入足太陽經手少陰經陽明經

榮衛藥也

厚朴為之使惡辛黃石韋立秋採莖陰乾令青陳久者良九使折去

根節用先煮一二沸去沫不則令人煩悶

主中風傷寒頭痛溫瘧發表出汗去邪熱氣止欬逆上氣除寒熱破癥堅積聚發太陽少陰經汗出表上寒邪泄衛實去榮中寒消赤黑斑毒治身上毒風癢痺不仁不可多服令人虛○根節能止汗

小兒瘡疱倒靨黑者

去節半兩以蜜一匙同炒良久水半升煎

沸去沫再煎去二分之一乘熱盡服之速風其瘡復出一法用無灰酒煎效更速

白芷

君

味辛氣溫氣味俱輕陽也無毒陽明經

引經藥手陽明經本經藥

當歸為之使惡旋復花

主女人漏下赤白血閉陰腫寒熱風頭侵目

淚出長肌膚潤澤可作面脂去面癍手陽明

頭痛中風寒熱解利藥也治風通用去肺經

風熱

宜作寒

治心腹血刺痛能蝕膿乳癰發背

療癰腸風痔瘻一切瘡疥排膿止痛內托生

肌又與辛荑細辛同用治鼻塞病

藁本 臣 味辛苦氣溫氣厚味薄陽也升也無毒

太陽經本經藥

惡藺茹畏青蘘子採根暴乾三十日成

主婦人疝瘕陰中寒腫痛腹中急除風頭痛
長肌膚悅顏色太陽經風藥治寒邪結鬱及
本經頭痛頂巔痛太寒犯腦腦齒痛引諸藥
上至顛頂清明前立秋後九中霧露之氣皆
清邪中於上焦白朮湯中加木香同治之此
既治風又治濕也

天麻 味辛甘氣平無毒

五月採根暴乾其苗名定風草

主頭風諸風濕痺四肢拘攣小兒風癇驚氣

利腰膝強筋力通血脈閑竅久服益氣輕身
長年又主諸毒惡氣鬼疰蠱毒支滿寒疝熱
毒癰腫

衍義云凡用須別藥相佐使然後見功仍
須多用之

赤箭

一云即天
麻苗也

味辛氣溫無毒

主殺鬼精物蠱毒惡氣消癰腫下支滿疝下
血久服益氣力強陰肥健輕身增年

赤箭則言苗用之有自表入裏之功天麻
則言根用之有自內達外之理

菖耳實

一名蒼耳

味苦甘氣溫

子熟時採日乾用忌食猪肉入藥炒用古

今方書多準用

主風頭寒痛風濕周痺四肢拘攣痛惡肉死

肌癢癰疥癬瘙痒久服益氣耳目聰明強志

輕身填髓暖腰脚○葉味苦辛微寒治療同

秦艽 味苦辛氣平微溫陰中微陽手陽明經

藥

菖蒲為之使羅紋者佳

主寒熱邪氣寒濕風痺肢節痛下水利小便

療風無問久新通身攣急治五種黃病酒黃

黃疸大效主傳尸骨蒸及時氣治下牙痛口

瘡

黃疸皮肉眼如金色小便赤心煩口乾五用

兩牛乳三升煮取一升分溫再服差又方加芒硝一兩

狗脊

味苦甘氣平微溫無毒

草薺為之使惡敗醬細剉酒拌

蒸從巳至中

主腰背強關機緩急周痺寒濕膝痛頗利老人療失溺不節男子脚弱腰痛續筋骨堅利

俛仰女子傷中

白鮮

巨

味苦鹹氣寒無毒

惡蟬蛸桔梗茯苓草薺四月五月採根陰

乾根皮良

主頭風黃疸欬逆淋瀝女子陰中腫痛濕痺
死肌不可屈伸起止行步治一切熱毒風風
瘡疥癬赤爛眉髮脫脆

水萍

味辛酸氣寒無毒

水中大萍葉圓闊寸許背紫色三月採暴

乾

主暴熱身痒下水氣勝酒長鬚髮主消渴又
服輕身治時行熱病發汗甚有功五月取陰
乾燒烟去蚊

採萍歌云不在山兮不在岸採時須在七
月半管甚癰風與緩風些少微風都不算

豆淋酒內下三錢鉄幘頭上也出汗○水

腫小便不利

搗汁飲之又未服方寸七日二服良

惡疾遍身

瘡

濃煮汁漬浴半日效此方甚奇古

木賊

味甘微苦無毒

四月採去節剉以水潤濕火上烘用

主目疾退翳膜益肝膽明目又消積塊療腸

風止痢及婦人月水不斷又用發汗至易

得牛角腮麝香治休息痢歷久不差得禹

餘糧當歸芎藭療崩中赤白得槐鶯桑耳

療腸風下血又與槐子枳殼相宜主痔疾

血出

羊躑躅

味辛氣溫有大毒

惡諸石及麴不入湯服二四月採花

陰乾取花黃色者羊誤食其葉躑躅而死故名

主賊風在皮膚中淫淫痛溫瘡惡毒諸痺鬼

疰蠱毒

豨薟

味苦氣寒有小毒

四五六月採葉暴乾

主熱蠱煩滿不能食生搗汁服三四合多則

令人唾五月五日採葉及枝頭洒酒與蜜水

九蒸九曝仍熬搗為末蜜丸如梧桐子大空

心溫酒或米飲下二三十丸多服久服治中

風偏麻痺骨間疼腰膝無力

附子

使

味辛甘氣溫大熱有大毒

惡蜈蚣畏防風黑豆黃蘗草

黃耆人參烏韭冬月採為附子春採為烏頭九使水浸文武火炮令裂表裏皆黃折去皮臍用俗方每月須人參并草生薑相配者制其毒也

主風寒欬逆邪氣溫中金瘡破癥堅積聚血
瘕寒濕痿痺拘攣膝痛不能行步腰脊風寒
陰毒傷寒煩躁迷悶不省四肢厥逆心腹冷
痛霍亂轉筋下痢赤白除腎中寒甚白朮為
佐除寒濕之聖藥又墮胎為百藥之長

通行諸經引用之藥入手少陽三焦命門
性走而不守浮中沉無所不至陽中之陽

故行而不止非若乾薑止而不行丹溪云

童便煮而浸之以殺其毒且可助下行之

力入鹽尤捷此佐使之藥世俗相襲用為

治風及補藥殺人多矣○治丁腫甚者生末

醋調塗之口噤卒不開用末納管中吹入喉中久患

口瘡生末醋調男左女右貼脚心日再換脚氣連脚腫滿

久不差生末生薑汁調如膏塗俾腫上乾再塗之

烏頭使味辛甘氣溫大熱有大毒遠志為之使反平夏枯棧

貝母白欬白及惡慈蘆忌豉汁春時初生有腦形似烏鳥之頭故名

主中風惡風洗洗出汗除寒濕痺欬逆上氣

破積聚寒熱消胃上痰冷臍間痛肩胛痛不可俛仰又墮胎治風痺血痺半身不遂行經藥也○其汁煎之名射罔味苦殺禽獸一名

烏喙主瘰癧根結核瘰癧毒腫及蛇咬

先取藥塗

四畔漸漸近瘡胃習逐病至骨瘡有熱膿及黃水出塗之若無膿水有生血及新傷肉破即不可塗立殺人中之者以耳草藍青小豆葉浮萍冷水解之

天雄

君

味辛甘氣大溫有大毒

遠志為之使忌豉汁

主大風寒濕痺歷節痛拘攣緩急關節重不能行步頭面風去來疼痛破積聚邪氣金瘡強筋骨輕身健行長陰氣強志令人武勇力

作不倦又墮胎治一切風一切氣通九竅利
皮膚調血脉消風痰

側子

使

味辛氣大熱有大毒

附子旁生絕小如大棗核者是又附

子旁生等角
削下者亦是

主癰腫濕痺大風筋骨攣急歷節腰腳疼冷
寒熱鼠痿治遍身風癢冷酒調服神妙療脚
氣亦多驗又墮胎

附子烏頭烏喙天雄側子五物同出而異
名似烏烏頭者爲烏頭又云原種者爲烏
頭兩岐狀如牛角者爲烏喙細長至三四

寸者為天雄根旁如羊散生者為附子旁連生小者為側子烏頭旁出附子附子旁出側子後世補虛寒須用附子仍取端平而圓大半兩已上者其力全風家即多用天雄亦取大者以其尖角多熱性不肯就下故取敷散也

半夏使味辛微苦氣平生微寒熟溫陽中陰也

有毒入足陽明經太陰經少陽經射干柴胡為之使惡

皂莢畏雄黃生薑乾薑秦皮龜甲反烏頭陳久者良須用湯洗十許過令滑盡不尔戟人喉用此必須生薑制其毒服之忌羊肉羊血鮑糖

主傷寒寒熱心下堅下氣喉咽腫痛頭眩背
脹欬逆腸鳴止汗能消痰涎止嘔吐調胃健
脾治胃中寒痰痞塞太陰痰厥頭痛非此不
除又治痰瘡墮胎摩塗消癰腫生令人吐熟
令人下

脾惡濕半夏能燥濕勝水所以化痰而益
脾又諸血證禁用之渴者去之燥津液也

妊婦薑炒用之○蠍螫人水研塗之立止○產後

暈絕一兩搗為末以水丸如大豆納鼻孔中即愈此扁鵲法也

天南星 味苦辛氣平有毒畏附子乾薑生薑入藥炮用

主中風除風痰麻痺下氣破堅積消癰腫利
胃膈散金瘡撲損瘀血蛇蟲咬疥癬惡瘡墮
胎

丹溪云欲其下行以黃蘗引之○中風牙

噤不開

取末和龍腦少許擦齒二三十遍即開

○破傷風

防風

等分同為末
醋調上貼

何首烏

以人
名稱

味甘苦澁氣微溫無毒

茯苓為使
忌猪羊血

惡蘿藤春夏採根以苦竹刀切米泔浸經宿
曝乾木杵臼搗之忌鉄有雌雄二種雄者色
赤雌者色白九脩合須雌雄相合木名
交藤一名夜合因何首烏服之而得各

主療癰消癰腫療頭面風瘡五痔腰膝上心

痛益血氣黑髭鬚悅顏色久服長筋骨益精
髓延年不老令人有子亦治婦人產後及帶
下諸疾凡服爲末酒調

威靈仙

味苦氣溫無毒

忌茗及麪湯冬月丙丁戊巳日採根陰乾

主諸風濕冷通十二經脉治大風皮膚風痒
痛風在上下去大腸風宣通五臟去腹內冷
滯心膈痰水久積癥瘕疰癖氣塊膀胱宿膿
惡水腰膝冷痛脚疾不能履及治折傷多服
疏人真氣虛者禁用

腰膝痛脚腫不履

酒洗爲末空心溫酒調下二錢或蜜丸溫酒下

二三
十九

仙茅

味辛氣溫有毒

以米泔浸去赤汁出毒
忌犯鐵器及食牛乳及

肉黑牛

主心腹冷氣不能食腰脚風冷攣痺不能行
丈夫虛勞老人失溺益陽道久服通神強記
助筋骨益肌膚長精神明目

白附子

味甘辛氣溫無毒一云有小毒

三月
祿九

用
炮

王心痛血痺面上百病行藥勢治中風失音
諸風冷氣疥癬風瘡頭面痕陰囊下濕腿無

力又宜入面脂

高良薑

使

味辛苦氣大溫純陽無毒

主暴冷胃中冷逆衝心霍亂腹痛反胃嘔食
轉筋瀉痢健脾胃消宿食

草薢

味苦甘氣平無毒

意以爲之使畏葵根大黃柴胡牡蠣

主腰背痛強骨節風寒濕周痺惡瘡不瘳熱
氣傷中悲怒陰痿失溺關節老血老人五緩

葫蘆巴

味苦氣溫純陽

云是香蘆根子春生苗夏結子至秋採之

主元臟虛冷氣最要得附子硫黃治腎虛冷
腹脇脹滿面色青黑得懷香子桃仁治膀胱

氣甚效

白頭翁 味其苦氣溫一云寒無毒一云有毒

得酒良
四月採

主溫瘧狂易寒熱癰瘕積聚腹痛癰氣項下
瘤癰治赤毒痢甚效逐血止痛療金瘡鼻衄
齒痛一切風氣及百節骨痛煖腰膝

阿魏 味辛氣平熱無毒

性極臭而能止臭亦
奇物也凡使先於淨

鉢中研如粉了於熱
酒器上哀過任用

主殺諸小蟲去臭氣破癰積下惡氣治心腹
痛辟瘟治瘡治傳尸邪鬼蠱毒

木香 君 味辛苦氣溫味厚於氣陰中陽也無毒

形如枯骨
油重者良

主邪氣辟毒疫溫鬼主淋露久服強志不夢
寤蹙寐調諸氣散肺中滯氣行肝氣若治中
下焦氣結滯須檳榔為使治心腹積年冷氣
痲痺脹痛九種心痛女人血氣刺痛酒末服
之治腹中氣不轉運和胃氣止霍亂吐瀉嘔
逆反胃安胎健脾火煨實大腸和黃連治痢
疾又得生薑橘皮相佐使絕佳又療癰腫毒
又禦霧露之氣

久痢不愈

取一塊方圓一寸黃連半兩水半升煎同乾去黃連薄切焙乾

為末作三服一服橘皮湯下二服陳米湯下三服甘草湯下

懷香子

一名茴香味辛氣平無毒入手足少陰經太

陽經

陰乾得酒良入藥炒用

主諸癰霍亂和諸食中甚香破一切臭氣開

胃下食止嘔吐調中止痛主乾濕脚氣膀胱

冷氣腫痛或連陰髀間疼痛攣引入小腹不

可忍腎勞癰疔又療惡毒腫毒

取苗葉搗汁服之日三四

用滓貼腫上冬月用根

零陵香

古謂薰草亦即蕙香也

味甘辛氣平無毒

得酒良

主邪惡氣心腹痛滿下氣滯煎服可止癘氣
牙齒痛煎含良婦人浸油飾髮香無以加

肉豆蔻

君

味苦辛氣溫無毒入手陽明經

湯使米麴

粉最反大中畏黃熟
用油色肥實者生

溫中開胃下氣消食治積冷心腹脹痛霍亂
中惡脾胃虛冷氣併冷熱虛洩赤白痢小兒
傷乳吐逆泄瀉之要藥凡痢以白粥飲服霍
亂氣併生薑湯服

白豆蔻

味辛氣大溫味薄氣厚陽也無毒

主積冷氣止吐逆反胃消穀下氣胃冷宜服

又散肺中滯氣入肺經別有清高之氣上焦元氣不足以補之

草豆蔻 味辛氣溫陽也無毒入足太陰陽明

經麴包煨熟用

主溫中心腹痛嘔吐霍亂治風寒客邪在胃口善去心胃客寒作痛調散冷氣力甚速消酒毒去口臭氣

縮砂蜜君味辛苦氣溫無毒

主虛勞冷瀉宿食不消赤白洩痢止休息痢溫脾下氣治脾胃氣結滯不散腹中虛冷痛

又能安胎行氣故也

與白檀香豆蔻為使則入肺與人參益智
為使則入脾與黃栢茯苓為使則入腎與
赤白石脂為使則入大小腸○妊娠因氣

動胎痛不可忍

炒熟搗為末酒調服三錢

萆澄茄

味辛氣溫無毒

嫩胡椒青時採者

主下氣消食腹間氣脹心腹冷痛霍亂吐瀉
腎氣膀胱冷古方偏用染髮

使君子

味甘氣溫無毒

始因郭使君藥小兒用此物後因名之用

仁或煮用殼

主小兒五疳小便白濁殺蟲療瀉痢

盧會

味苦氣寒無毒

出波斯國似黑錫水滴脂淚而成

主熱風煩悶胃膈間熱氣明目鎮心小兒諸

熱癰癤驚風療五疳殺三蟲及痔病瘡癰解

巴豆毒

患癰在頸項間延上耳頰

用一兩研炙并草半兩末和勻

先以溫漿水洗過帛拭乾傳之神奇

蜜齒

取四分末先以鹽揩齒洗淨後傳上

京三稜

味苦辛氣平陰中之陽無毒

黃色體重狀若

鯽魚而小
火炮用

治老癰癥瘕結塊婦人血脈不調心腹痛落

胎消惡血色白屬氣破血中之氣損真氣虛者勿用

蓬莪茂

味苦辛氣溫無毒

火炮醋炒用得酒醋良

主心腹痛中惡疰忤鬼氣霍亂冷氣飲食不消酒研服之又療婦人血氣痛破疰癰氣最良通月經消瘀血治積聚諸氣為最要藥婦人藥中多用色黑屬血破氣中之血入氣藥能發諸香

大黃

使

味苦氣大寒味極厚陰中之陰降也無

毒入手足陽明經

黃芩為之使無所畏火乾凡用有蒸有生有熟或酒

浸或酒洗
錦紋者佳

主下瘀血血閉寒熱破癥瘕積聚留飲宿食
蕩滌腸胃推陳致新通利水穀調中化食安
和五臟性走而不守瀉諸實熱不通心腹脹
滿下大便燥結號稱將軍取其蕩滌峻快也
又傳貼一切瘡癰癰腫

酒浸引之上至頂巔入太陽經以舟楫載
之可浮胷中若用於下不用酒浸洗得芍
藥黃芩牡蠣細辛茯苓療驚恚怒心下悸
氣得消石紫石英桃仁療女子血閉

葶藶

味辛苦氣大寒無毒

榆皮為之使惡蠶立夏後採實陰

乾炒用
得酒良

主癥瘕積聚結氣飲食寒熱破堅逐邪通利
水道走泄為功大降氣治皮間邪水上出面
目浮腫及肺壅上氣欬嗽喘促痰飲又治肺
癰喘不得卧久服令人虛病人涉虛者宜遠
之

澤瀉

君

味甘鹹氣寒味厚陰也陰中微陽無毒

入足太陽經少陰經

畏海蛤
文蛤

主風寒濕痺乳難消水養五臟益氣力肥健

久服耳目聰明不飢延年輕身面生光能行水上入膀胱腎經治淋閉逐膀胱三焦停水瀉腎邪去陰間汗

除濕行水為最要之藥多服病人眼行去其水故也凡服此者小便多則腎氣必虛古方止洩精今不敢用

旋花

味甘氣溫無毒

五月採陰乾

主益氣去面肝黑色媚好其根味辛主腹中寒邪氣利小便久服不飢輕身

旋覆花

使

味鹹甘氣溫一云冷利有小毒

六月採

花日乾二十日成花如
菊深黃色呼為金錢花

主結氣痰飲脇下滿驚悸除水利大腸去五
臟間寒熱補中下氣治頭風明目消胃上痰
結唾如膠漆病人稍涉虛者不宜多服傷寒
汗下後心下痞堅噫氣不除者宜此根主濕
葉主傳金瘡止血

石龍莖

一名龍鬚即今作席者

味辛氣微寒無毒

五月七月採莖

八月九月採根

主心腹邪氣小便不利淋閉風濕鬼疰惡毒
療蛇蟲除熱久服補虛羸輕身耳目聰明延

年

通草

臣今謂之木通

味辛甘氣平味薄陽也無毒

正月

採枝陰乾
去皮用

主去惡蟲除脾胃寒熱通利九竅血脉關節
令人不忘治五淋利小便導小腸熱治脾疸
常欲眠心煩噦出音聲療耳聾治鼻塞散癰
腫諸結不消及金瘡惡瘡喉痺鼠癭矮折髀
鼻息肉女人血閉催生墮胎下乳○通脫木
俗名通草輕白可愛
女工取以飾物也 亦能利陰竅行小水主
蠱毒其花上粉主諸蟲癭惡瘡痔疾取粉納

瘡中

瞿麥

臣

味苦辛氣寒陽中微陰無毒

葦草壯丹為之使惡

蟬蛻立秋採實陰乾

主閉格諸癰結小便不通出刺決癰腫排膿
明目去翳破胎墮子下閉血養腎氣逐膀胱

邪逆

竹木刺入肉中不出

為末水服方寸匕或煮汁飲之

百合

使

味甘氣平無毒

花白者入藥佳

主邪氣腹脹心痛利大小便補中益氣除浮
腫臃脹痞滿寒熱通身疼痛百邪鬼魅涕泣

不止狂叫驚悸殺蠱毒乳難喉痺發背及諸
瘡腫張仲景治傷寒壞後百合病須此病名
百合而治以百合不識其義

紫草

味苦氣寒無毒

三月採陰乾
可以染紫者

主心腹邪氣五疸補中益氣利九竅通水道

療腹腫脹滿痛合膏療小兒瘡及面皴治傷

寒時疾發瘡癰不出者服此使其發出單煮

湯飲治豌豆瘡其效尤速

又云細判二兩百
沸湯一大盞泡便

以晚合定勿令泄氣俟溫量兒大
小服半合至一合雖出當輕減

萱草根

味甘氣寒無毒

五月採花
八月採根

治沙淋下水氣主酒疸黃色通身者取根搗
汁服亦取嫩苗煮食之又主小便赤澁身體
煩熱根洗淨研汁一大盞生薑汁半盞相和
時時細呷治大熱衄血又取根細切酒煎服
治破傷風神效○花名宜男懷妊婦人佩之
則生男

燈心草

即前龍
菊重出

根及苗主五淋生煮服苗可以為蓆敗蓆煮
服更良○燈心燒灰存性取少許吹喉中治
急喉痺甚捷塗乳上與小兒吃治夜啼

酸漿

味酸氣平寒無毒

人家園圃中俱有開白花結青殼熟則深

紅殼中有子如櫻桃大赤紅色五月採陰乾

主煩熱滿定志益氣利水道產難吞其實立產小兒食之能除熱有益○根絕苦搗汁飲之治黃疸多效

石韋

使

味苦甘氣平微寒無毒

杏仁為之使得

石上不聞水聲及人聲者良二月採葉陰乾用之去黃毛毛射人肺令人欬不可療入藥

用微炙

主勞熱邪氣五癰閉不通利小便水道止煩下氣補五勞安五臟去惡風益精氣南中醫

人炒末冷酒服療發背效

海藻

臣

味苦鹹氣寒無毒一云有小毒

反甘草
七月七

日採
曝乾

主癭瘤氣頸下核破散結氣癰腫癥瘕堅氣
腹中上下鳴下十二水腫主辟百邪鬼魅治
氣疾急滿療疝氣下墜疼痛核腫

治頷下瘰癧如梅李

取一斤洗淨酒漬
浸數日稍稍飲之

又

治頸下卒結囊欲成癭

同前法又同昆布
等分為末蜜丸如

杏核大含之
稍稍嚥汁

澤蘭

使

味苦甘辛氣微溫無毒

香草也有枝梗
葉如菊而尖長

微香防已為使

主乳婦內衄中風餘疾大腹水腫身面四肢浮腫骨節中水金瘡癰腫瘡膿通九竅利關脉養血氣治產前後百病

昆布臣味鹹氣寒無毒一云小毒

主十二種水腫癭瘤聚結氣癭瘡九海中菜皆療癭瘤結氣又頰卵腫煮汁嚥之

甘遂味苦甘氣大寒有毒瓜蒂為之使惡遠志反甘草陰乾連

珠者良

主大腹疝瘕腹滿面目浮腫留飲宿食破癥

堅積聚利水穀道水結胃中非此不除其氣
直透所結處專於行水攻決為用入藥須斟

酌

大戟

使

味苦甘氣寒陰中微陽有毒

小豆為之使反甘草

畏葛蒲蘆草鼠屎
十二月採根陰乾

主蠱毒十二水腹滿急痛積聚癥結中風皮
膚疼痛吐逆善治瘀血通月水墮胎孕又治

頸癰腫

澤漆

使

大戟苗也

味苦辛氣微寒無毒一云微毒

小豆

為之使惡薯蕷三月三日
七月七日採莖葉陰乾

主皮膚熱大腹水氣四肢面目浮腫丈夫陰氣不足

堯花使味苦辛氣寒有毒

主傷寒溫瘧下十二水腫破積聚大堅癥瘕蕩滌腸胃留癖飲食寒熱邪氣利水道痰飲欬逆

芫花使味辛苦氣溫有毒決明為之使反甘草陰乾凡用微熬不可

近眼

主欬逆上氣喉鳴喘咽腫短氣蠱毒鬼瘡疔瘕癰腫消胃中痰水喜唾水腫五水在五臟

皮膚及腰痛久服令人虛殺蟲魚○其根療疥瘡可用毒魚

商陸使味辛甘酸氣平有毒忌大肉有赤白二種花赤者根赤花

白者根白白者入藥用赤者見鬼神甚毒但貼腫外用不可服

主水脹疝瘕痺熨除癰腫殺鬼精物瀉蠱毒傳惡瘡療胃中邪氣腹滿水腫墮胎如人形者有神

水腫取生者去皮切如小豆許一大盞以水三升煮一升爛即取粟米一大盞以

煮成粥空心服一度不得雜食又切生根雜生鯉魚肉煮作湯又取六兩搗汁三合和酒半升看大小相度服利下水差喉痺不通薄切醋蒸石

癰堅如石不作膿

搗生根搽之即易取軟為度

一切熱

毒腫

和鹽少許搗傳之日再搗

牽牛子

味苦氣寒屬火善走有毒

有黑白二種用黑者

炒用

主下氣療脚滿水腫除風毒利大小便落胎以氣藥引之則入氣以血藥引之則入血大瀉元氣用者戒之不脹滿不大便秘者勿用羅謙甫云牽牛味辛烈瀉人元氣若病濕勝濕氣不得施化致大小便不通則宜用之然濕病之根在下焦是血分中氣病不

可用辛辣氣藥瀉上焦太陰之氣也凡人飲食勞倦皆血受病率以此藥瀉之是血病瀉氣使氣血俱虛也

蓖麻子 味甘辛氣平屬陰有毒

主水癥水脹又主身體瘡癢疥癩浮腫尸疰惡氣竿取油塗之○其葉治腳風腫

催生及胞衣不下

取七枚研如膏塗腳底心子及衣下遠洗拭去

不下腸出即用此膏塗頂陽當自入

一切腫毒疼痛搗傳水

癥

水研二十枚服之吐惡沫加至三十枚三日一服差則止

厲風手指

牽曲鼻塌

去皮穿為二片黃連等分剉如且用水浸春夏三四日秋冬五

六日取一片平旦日中面東用浸藥水吞
下水少旋添勿令乾漸加至三四枚微利
不妨瘰癧炒熟去皮爛嚼臨睡服二

海金沙

主通利小腸得梔子馬牙硝共療傷寒熱狂

白兔藿

一名白葛

味苦氣平無毒

主蛇虺蜂蠆制狗菜肉蠱毒鬼疰風疰諸大
毒不可入口者皆消除之又去血可抹着痛

上立消毒入腹煮飲即解

徐長卿

味辛氣溫無毒

三月採

主鬼物百精蠱毒疫疾邪惡氣溫瘡久服強

悍輕身

大青

臣

味苦氣大寒無毒

三四月採莖葉陰乾

主療時氣天時熱疾頭痛大熱口瘡及金石

藥毒

薺芘

味甘氣寒

主解百藥毒殺蠱毒蛇蟲蛟熱狂溫疾取根

搗末或生汁服之罾毒箭封丁毒

鈎吻

味辛氣溫有大毒

半夏為之使惡黃芩葉似黃精而頭尖處

有兩毛不入湯

主金瘡乳痃中惡氣欬逆上氣水腫殺鬼瘥

蠱毒殺鳥獸天老曰太陰之精名曰鉤吻食之入口則死

常山

味苦辛氣寒有毒

畏玉札忌蔥及薤菜雞肉陰乾如雞骨者

佳

主傷寒寒熱熱發溫瘧鬼毒胷中痰結吐逆療鬼蠱往來水脹洒洒惡寒得甘草吐瘡效不可多服令人大吐年老及久病人切忌之能傷真氣病人稍近虛怯勿用

蜀漆

使常山苗也

味辛氣平微溫純陽有毒

枯樓枯梗為使

五月採葉陰乾

主瘡及欬逆寒熱腹中癥堅痞結積聚邪氣
蠱毒鬼症多服令人吐逆

狼毒

使

味辛氣平有大毒

大豆為之使惡麥句
薑二八月採根陰乾

陳而沉
水者良

主欬逆上氣破積聚飲食寒熱水氣脇下積

癖惡瘡鼠癰疽蝕鬼精蠱毒殺飛鳥走獸亦
殺鼠

牙子

使

味苦酸氣寒有毒

蕪荂為使惡地榆八
月採根曝乾中濕腐

爛生衣
者段人

主邪氣熱氣疥癩惡瘍瘡痔去白蟲治婦人

陰瘡中爛煎湯洗之又治蛇毒臘月猪脂搗

和傳上立差

鬼臼

使

味辛氣溫有毒

畏垣衣
不入湯

主殺蠱毒鬼疰精物辟惡氣不祥逐邪解百毒

續隨子

味辛氣溫有毒

主婦人血結月閉癥瘕瘰癧瘀血蠱毒鬼疰
心腹痛冷氣脹滿利大小腸除痰飲積聚下
惡滯物○莖中白汁剝人面皮去黥黥

鶴虱

味苦氣平有小毒

主虻螭蟲咬心腹痛用之為散以肥肉臠汁

服方寸匙亦丸散中用治殺蟲最要

蚤休

即紫河車俗呼重樓金線

味苦氣微寒有毒

五月採根日乾

主驚癇搖頭弄舌熱氣在腹中癰疾癰瘡陰

蝕下三蟲去蛇毒解百毒

癰毒蛇毒

醋磨傳甚效亦磨酒調服

預知子

味苦氣寒無毒

採無時其實如皂莢子去皮研服之

主殺蟲療蠱治諸毒天行溫疾傳一切蛇蟲

咬傳云取二枚綴衣領上遇蠱毒物則聞其

有聲當便知之故名又云雙仁者可帶

水蓼 味辛無毒 生水澤中莖赤葉大於家蓼

主蛇毒搗傅之紋汁服止蛇毒入心水煮漬

捋脚消氣腫

絡石 君 味苦氣溫微寒無毒 杜仲牡丹為之使畏貝母菖蒲包絡

木石而生莖節着處即生根鬚凌冬不凋葉圓如細橋正青花白子黑採莖葉日乾附石者良許荔木蓮地錦石血等其類也

主風熱死肌癰傷口乾舌焦癰腫不消喉舌腫水漿不下除邪氣養腎主腰髓痛堅筋骨利關節強腰脚久服輕身明目潤澤好顏色不老延年又服汁去蛇毒心悶刀斧諸瘡封

之五差

○狀瘰不通須臾飲之

取二升水一升煎一大匙細細與須臾即

通

取莖葉爛研絞汁和麝或酒飲數升

營實

使為散子也

味酸氣溫微寒無毒

白花者長陰乾根莖葉同

功冬取根

夏取莖葉

主癰疽惡瘡結肉跌筋敗瘡熱氣陰蝕不瘳

利關節治頭瘡白禿久服輕身益氣○根止

洩利腹痛立臍容熱除邪益氣疽癰諸瘡金

瘡傷健生肉復肌

蛇床子

君味苦辛甘氣平無毒一云小毒

惡牡

三五月和男陰乾凡入藥者去
皮殼取仁微炒若作湯洗病則生使

主婦人陰中腫痛男子陰痿濕瘡陰痺氣利

關節癰癩惡瘡通中下氣令婦人子臟熱男

子陰強治腰膝疼四肢頑痺陰汗濕癬浴男

子陰去風冷大風身痒煎湯浴之差久服輕

身好顏色令人有子

溫中坐藥

取仁為末白粉少許和勻
相得如粟大綿裹納之

陰戶

痛及產後陰下脫

取子細末
盛蒸乾之

王不留行 味苦甘氣平陽中之陰無毒

二月八月

絲根菹

子並用

主金瘡止血逐痛出刺除痺內寒風毒風癰

癰疽惡瘡癰乳婦人難產及經脈不勻

○竹木針刺在肉中不出疼痛

為木熱水調
方寸匕即出

取腎

臣

味苦鹹氣平微寒無毒入足少陰經手

厥陰經

氣如豚豆
腎故名

主暴熱火瘡赤氣疥癬疽痔馬鞍熱氣除癰

腫結熱風痺破多年凝血能化膿為水催生

落胎及產後諸病止腹痛仲景用治腹癰下

膿

惡貫

即牛旁子又
名鼠粘子

味辛苦氣平

秋後採子酒拌
蒸用冬除根煮

藥不尔
令人吐

主明目利腰膝療風毒腫瘡疥喉痺風熱淚
壅咽隔不利牙齦疼痛頭面浮腫瘡一枚可
出瘰癧瘡頭○根亦主風毒瘰癧惡瘡浸酒去
風根並生搗汁和酒服療傷寒寒熱汗出中
風面腫搗根及葉入鹽少許封熱毒腫博杖
瘡金瘡永不畏風取汁夏月多浴去皮膚習

習如蟲行風

癰緩及丹石毒風毒明目利腰脚

取子末
之投酒

中浸二日每日飲
一二匙隨性多少

風熱閉塞咽喉通身浮

腫取子一合半生半熟杵末熱酒調下一錢差瘡疽將出炒子

杵為末每服一錢荆芥二穗水煎七分溫服如瘡疹已出更服亦妙皮膚風

熱遍身生癰瘡取子與浮萍等分為末薄荷湯調一錢日二服

白藥 味辛氣溫無毒

主金瘡生肌治喉中熱塞常痛腫肢消腫毒

解熱毒甚效

諸瘡癰腫不散取生根爛搗傳貼無敗生用末水調塗之

乾苔 即海中苔菜 味鹹氣寒

主痔殺蟲及霍亂嘔吐不止煮汁服之又心

腹煩悶冷水研如泥飲之即止下一切丹石

殺諸藥毒不可多食令人痿黃少血色殺木

蟲蟲內木孔中凡海族之流皆下丹石

草蒿即青蒿味苦氣寒無毒

四五月採苗日乾根莖花葉並入藥四者

勿同用春夏用苗秋冬用子

主疥癬痒惡瘡殺蟲生按傳金瘡止血生

肉止痛又主鬼氣尸瘡狀連婦人血氣腹內

滿及冷熱久痢止瀉開胃明目黑毛髮治勞

瘦留熱在骨節間童便浸之良

心痛熱黃

生搗汁服并傳之

瀉痢

飯飲調木五錢或入生薑煎濃

汁骨蒸勞熱

細剉入童便浸大釜中煎半去滓再以微火煎成膏丸如

枯桐子大空心既
外酒下二十九
鬼氣取子為末酒
惡瘡

臭肉燒灰淋汁
和石灰煎

暮蘆使味辛苦氣寒有毒黃連為之使反細辛

月標根陰乾去蘆
頭微炒用不入湯

主蠱毒欬逆洩痢腸癰頭瘍頭禿疥癬惡瘡

殺諸蟲毒去死肌療疥瘡不通治馬刀爛瘡

及馬疥癬

吐上膈風痰暗風癰病取一兩濃煎防風湯浴過焙乾微炒

作末溫水下
半錢吐為度

射干使即烏味苦氣平微溫有毒三月陰乾

主欬逆二氣欬唾言語氣失喉痺咽痛不得
消息散結氣消腫毒行太陰厥陰之積痰使
結核自消甚捷腹中邪逆飲食大熱胸滿腹
脹通女人月閉消瘀血久服令人虛

治便毒足厥陰濕氣因勞而發

取三寸與
生薑同煎

食前服利

二兩行散

山豆根 味甘氣寒無毒

主解諸藥毒止痛消瘡腫殺小蟲寸白蟲含
口中解咽喉痛腫解毒人馬患發黃欬嗽

禿瘡水研傅之

蛇含 味苦氣微寒無毒陰乾

主驚癇寒熱邪氣除熱金瘡疽痔鼠瘻惡

瘡頑瘍丹瘡治蛇蟲蜂虺咬

白欬使 味苦甘氣平微寒無毒一云有毒代醋

使反
烏頭

主癰腫諸瘡散結氣止痛除熱目中赤小兒

驚癇溫瘧女子陰中腫痛殺火毒治湯火瘡

刀箭瘡

白欬白皮古今服餌方少用多用於飲瘡

方中〇丁腫發背水調末

得之良

白芨使味苦辛氣平微寒陽中之陰無毒紫石

之使惡理

石長杏仁

主癰腫惡瘡敗疽傷陰死肌胃中邪氣賊風

鬼擊癰緩不收除白瘰癧瘡

羊蹄味苦氣寒屬水無毒取根用

主頭禿疥癩除熱女子陰蝕浸淫疽痔殺蟲

精磨貼腫毒瘡瘰癧立效

連翹使味苦氣平微寒氣味俱輕陽也無毒手

足少陽經陽明經藥入手少陰經乾陰

主寒熱鼠疫瘰癧瘡癰腫惡瘡癰瘰結熱瘡

有神功瀉心火降脾胃濕熱通利五淋及月
經除心經客熱尤宜小兒

治血證以防風為上使連翹為中使地榆
為下使

百草灰

五月五日採露取之一百種陰乾燒
灰以井花水為團重燒令白以酢和

餅為

主腋臭及金瘡

腋臭

腋下挾之乾即易當抽一身痛悶瘡
出即止以水及小便洗之不過三四

度

金瘡止血生肌

創傳
瘡上

蘭茹

味辛酸氣寒有小毒

甘草為之使惡麥
明冬五月採根全

乾黑頭

音良

主蝕惡肉敗瘡死肌殺疥蟲排膿惡血除火

風熱氣善忘不樂

金星草

味苦氣寒無毒

凌冬不凋葉皆冬生黃星數子兩行相對

如金色五月和根採風乾

主癰疽瘡毒大解疏黃及丹石毒發背癰腫

結核用葉和根酒煎服之先服食藥悉下毒

去瘡愈或作末冷水服及塗瘡腫上殊效根

碎之浸油塗頭大生毛髮若年人不可輒服

紫葛 味甘苦氣寒無毒

生山谷中三月四月採去皮日乾不入方

用

主癰腫惡瘡取根皮椅木醋和封之

蒲公英一名地丁味甘氣平無毒入陽明經太陰經

四月五日
月標

主婦人乳癰腫水黃汁佐以少酒飲之及封

之立消傳丁腫諸瘡及惡刺化熱毒消結核

有奇功解石毒散滯氣

穀精草 味辛氣溫無毒二月三月三月芒穀田中採之

主喉痺遠風痛諸瘡疥口齒藥多用之又創

馬主蟲類毛焦等病

牛蒡 味苦氣微寒無毒

主身皮瘡熱氣可作浴湯殺牛乳蟲小蟲久療

牛病

夏枯草 味苦辛氣寒無毒稟純陽之氣得陰

氣則枯

王公為之使四月枯

主寒熱瘰癧鼠咬頭瘡破癰散癰結氣腳腫

濕痺輕身

鴨跖草 味苦氣大寒

葉如竹花深碧有角如鳥嘴花好為色

主寒熱瘰癧痰飲丁腫小兒丹毒發熱狂癰

大腹瘡滿久治熱痢蛇咬癰疽等毒

山慈姑根 有小毒

主癰腫瘡癤瘰癧結核等醋磨傅之又取莖葉搗為膏入蜜貼瘡口上候清血出效

商賁莖麻子也味苦氣平無毒陰乾

主赤白冷熱痢炒為末蜜漿水調服之吞一枚破癰腫